




Орган Лемковского Союза.

Выходит в каждый четверг.

Редакция и администрация в Крыници. — Адрес „Лемко“ Крыница.



Пренумерата в краю:

50 грошей місячно,
2,50 зл. полрочно,
5 зл. рочно.

В Америці: 1 дол. полрочно,
2 дол. рочно.

В Чехословакии:
3 кор. місячно, 15 кор. полрочно,
30 кор. рочно.

Кonto чекове Нр. 404.155.

Чи Япония погодит ся с Совітами?

Конференция в Москві амбасадора японского с совітским комиссаром Стомоняковым.

Совітска агенция Тасе помістила комуникат о конференци, котра отбыла ся 3. вересня в Москві медже японским амбасадором Ота и заступником комисара для закордонных діл Стомоняковым. В часі той конференци Стомоняков запротестовал против преслідованям совітских желізнодорожных урядников и потребовал от японского правительства выдана зарядженя, котре мало бы на ціли заперествене переслідваня совітских урядников, штебы не погоршати отншеня медже Японией и Совітами. Ота поставил от японского правительства пропозыцию, штебы так Россия, як и Япония выцофали свои войска с границы обох дэржав, а также понищили находячи ся над границами укріпленя.

Подробности той конференци сут ище незнаны, але сподівають ся, же тотя конференция змягчит остры отншеня медже Японией и Совітами и што охоронит их от войны.

Штрейковы розрухы в Америці.

В Америці распочали штрейк роботники в фабрыках выробов суконных. До того часу перестало робити около 1 миллион роботников. Правительство, штебы не допустити до кырвавых розрухов, выдало ряд заряджень полици, котра ест вооружена в гранаты с выкликующим слезы газом.

Проводыром штрейку ест Горман, котрый ище перед 10 роками был хлопцом до послугы в одной фабрыці. Он мае славу доброго бесідника и тому завдячат свои впливы на роботничу масу.

Штрейк тот приберат на силі с каждым дньом. До штрейку прилучили ся также роботники фабрык шолка в числі около 200 тысяч. Штебы не допустити до нападу на фабрыкы и их канторы и бюра, стоят перед домами взбрык отділ полици и войска воору-

жены с карабины машиновы, револьверы и бомбы газовы. Спроваджено также танкы, штебы нима бурити барыкады в случаю потреби.

Число штрейкуючих увеличат ся. Штрейкуючи жадзют повышениа заплаты и скорочениа часу работы. Они грозят, же если правительство и властители фабрык не згодят ся на их жаданя, в таком случаю союз роботничий, котрый числит 3.300.000 роботников, обявит генеральный штрейк и предприиме остры міры.

Польша має достати стале місце в Лигі Народов.

Польша и Испания достанут стале місце в раді Лигы Народов, если Совіты войдут до Лигы и до ей рады.

До того часу Польша и Испания мали полстале місце в раді Лигы, тепер правительства Англии, Франции и Италии мали згодити ся на то, штебы их приняти яко стальных членов дорады.

В политичных кругах парыских уважают за річ певну, што Польша не буде противити ся приступленю Совітов до Лигы Народов. Дипломация польска увірят все, что польскы отншеня до России сут и будут приязны с того можна судити, же правительство польске буде голосовати за принаем Совітов до Лигы Народов и до рады той Лигы. Медже министром Беком и комиссаром Литвинским мае дойти до порозумленя в справі меньшинств народовых. Сповідают ся, же обі стороны приймут тамы самы собовязаня ввиду народовых меньшинств.

Як высылати рахункы и отписы протоколов до Рев. Союза Р. Кооперативов.

За торговельны паперы уважат Уряд почтовый всякого рода акты и документы, писаны руком, котры не мають характеру личной кореспонденци. Такы торговельны писма мають понижену почтову тарыфу, по котрой оплата выносит: 1) до 100 гр.—15 гр., 2) от 100 до 250 гр.—25 гр., 3) от 250 гр. до 500 гр.—50 гр., 4) от 500 гр. до 1 кг.—60 гр. Торговельны паперы не могут переступати вагы 1 кг. и выміров, установлених для листов.

С той тарыфы для торговельных писм и пониженной оплаты мають право користати наши кооперативы при высылці до Ревиз. Союза Р. кооп. місячных и кварталных рахунков, сырых билансов, отписов протоколов Общих Собрань, засідань Надзирающих Рад, Дирекций и т. д. При таких высылках треба перестерігати, штебы:

- 1) Внешний вид и способ упаковки отвічав видови и упаковке друков, при чом конверта мае быти не заклеена.
- 2) На адресі "высылкы" треба написати: „papieru handlowe“.
- 3) Торговельны паперы мусят быти в цілости оплачены при наданю посылкы. Неоплачены, або недостаточно оплачены паперы будут звернены высилающему: а коли то буде не можливе—будут не доручены.
- 4) До такой конверты не можна вкладати листов, котры мають характер біжучой, або личной кореспонденци, бо в таком случаю посылку уважат ся на звычайный лист, а от листов ест оплата высша.

Што повинно мати każde село.

Маючи на оку розвиток господарчий села, Рада сельска и солтыс повинни отреміти до того, штебы вшиткы господары, вшиткы жители села, так мужчины, як и женщины належали до рольничого кооператива. Таким кооперативам належит продавати всякы продукты своих господарств и там належит купувати вшитко, чого потреба до дому и господарства, бо лем таким способом оmine ся дороге посередництва.

КРЫНИЦА-ЗДРОЙ:

Пенсионаты вила „Карпатска“ и Злата Брама“ положены в центрум, коло дептака. Текуча зимна и тепла вода. Веранды. Добра кухня, на требованє диететична. Ціны низкы.

Крім того належит стреміти, щоби вшиткы жителі села были членами:

- 1) кооперативной касы сельской и в ней льоковали свои ошадности, а также в разі потреби там користали с кредитов, Ошадности свои можут люды льоковати в касі комунальной громадской, або повітовой.
- 2) кооператива рольничо-торговельного, с котрою достає ся рольничы знаряды, штучны навозы, насіне, а также вапно уголь, цемент и инши. При помочи того, кооператива продає сяземлеплоды. Так понятый кооператив буде с певновством розвивати ся добре, як лем члены будут продавати и купувати в кооперативі, а не у других торговцов.
- 3) кооператива в'єстно рольничого, в котром купує ся всякы товары першого запотребованя.
- 4) кооператива молочарского, котрому продаєся выпродуковане молоко. При таком кооперативі належит провадити также купно яйц. Таким способом можна поднести деходы с коров и кур.

Где находят ся инши кооперативы, як овечовы, кооперативны шляктузы и т. п. належит вписовати ся также и до них и через них продавати свои рольны продукты.

Там где в селі ніт кооператива, котрый єст конечный, єст обовязком солтыса обговорити с жителями села основанє такого кооператива. Фахову помоч и пораду в таких разгах дадут рольничы организации повітовы, або инспектор рольный.

Штоби однак ведены над поднесенем господарства рольного труды дали пожеданы и добры результаты повинна рада сельска и солтыс стреміти до переведеня комасации и мелiorгации грунтов и знесеня сервитутов. Порады в тых сирєвах уділят повітсый комисар земельный.

Солтыс и сельска рада маюť старати ся также о того, щоби неужиткы залісяти.

В каждом селі має быти также ветеринарийна аптыка, в котрой повинны находити ся слідуєчы ветеринарийны знаряды:

- 1) Термометр.
- 2) Ирыгатор до леватыв о обемі 5 литров и с 4 м. ужом гумовым.
- 3) Гумова грушка до перемываня ран у худобы.
- 4) Рура гвѣтательна до ратованя вздутой худобы.
- 5) Трокар до пробиваня вздутой худобы с 3—4 припасовыма рурками.

Такы результаты має нам дати новый закон о зборных громадах и такы обовязкы накладат он на сельскы рады и солтысов. Понятно, што не вшитко даст ся перевести в одном року, але при добром и розумном управленю села можна дуже зробити. Добре єст того же закон накладат обовязок основати кооперативы, на котры до того часу дуже людеи смотріло ся с недовірем и неохотно приступало до них, што было часто причином, же кооперативы не могли розвинути ся належито. Новый закон, кладучи тот обовязок на солтыса и на сельскых радных: 1) стане ся причином экономичного освідомленя ширших мас наших сел 2) єст он по части указательном, же сельскыма радныма и солтысаг повинно ся выберати людеи свідомых, котры маюť уж опыт в роботі кооперативной и рольничо-просвітительной.

Не богатый, якого то часто у нас выбераюť до рады и на войта, але розумный, экономично и национально освідомлений и честный солтыс може запевнити селу розвиток и добробыт.

„Лемковина-Сыбир“

Недавно появила ся брошура под назвом: „Лемковина-Сыбир“. Книжечка брошурована о 50 стороних вышла во Львові накладом автора Сергия Зынина. Автор, видно лемко, бо знає добре нашу лемковску роскош и будову нашего сельского житя. Язык книжечкы правильный, лемковский и читат ся легко.

В книжечці той порушат автор важну для нашего народа справу прироста населеня на нашей, што раз тіснійшой Лемковині и яко терев, где лемкы могли бы помістити надміо своего населеня, для котрого уж не хватат землі, показує автор далеку Сыбир.

По словам автора наши братья, эмигранты в Америкі поробили уж першы крокы у заинтересованных правительств, щобы эмиграцию нашего народа направити на ширскы землі сыбирского края. Який буде результат тых старань, предвидити днеска трудно. Прягды однак ніт где дівати, біда починат добре до наших, дакади ище курных, хыж заглядати. Мусиме мыслити о том, што зробити с дітми, котрых уж тепер ніт, або в найблизших роках, не буде чим обділити; мусиме пригадумати ся над тым, же треба нам буде змінити наш способ газдованя, щобы с него выдобыти як найвєце. Треба конечно подготовити наши діти до ремесла и торговли, чтобы на грунті оставляти одного газду, а рєштї дітям дати инший фалаток хліба. Заком справа эмиграции буде актуальна, дуже всды постече в наших річках и поточках, а нужда и голод не дадут нам спокійно ждати; аж ся нова Америка створит и ци тота Сыбир была бы том новым Америком, барз люды в того при теперешном ладі коммунистичном, який єст в Сыбирі, не вірят. Автор наводит вправді пару писем, писаных нашими людами с Росии советской до наших крайнов, в котрых захвалюют советскы отношеня, але мы знаме барз дуже наших людеи, котры недавно вернули с советского рая на нашу біду и тоты люды гварят, же стократ ліпша тотє наша біда, як советскый рай.

Тому то не треба нам спущати рук и ждати, же нас закличут на Сыбир на мащены галушкы, але мусиме ту, на своей отвічнєй, прадідной землі глядати способа, щобы поправити наш быт для себе и своего грядущого покоління.

Перед новым реформом отдолженьового законодательства.

В министерстві рольництва и реформ рольных и в министерстві скарбу идуť тепер работы, стремячи до унятя в форму обовязуєчого закона акции о отдолженю малых господарств рольных. Головны очеркы того нового законодательства финансово рольного сут уж знаны.

Одном с найважнійших змін, котру має внести новый закон єст тот, же рольны господарства будут поділены на три категории (группы). Першу категорию творят господарства малы понизше 50 гектаров землі, до дугой зачислят ся господарства середни от 50 до 500, а дакади, где сут планны грунты до 1000 гектаров, трета категория, то великы обшарники от 500, або 1000 гектаров высше.

Новый закон бере в цілковиту оборону лем першу категорию, то значит тых, котры

маюť грунта меньше як 50 гектаров и ту видиме велику зміну давного закона, ктгый давал право хронити их перед екзкуциями лем втотчас, коли задолжене было таке, же его при розлєженю на раты можна было сплатити. Коли однак згдолжене было велике и не было видов, же должник сплатит хочбы и в ратах свой долг, в таком случаю давный закон не брал в оборону такого газду и его грунт продавано. Новый закон бере в оборону вшиткых малых газдов без взгляда на высоту задолженя.

Другу категорию бере новый закон в оборону лем втотчас, коли задолжене не переступат 75 00 отаксованой вартости мєетку, а трета категория не може взагалі користати с льгот даваных через державный скарб, може лем користати с других льгот того отдолженьового закона, як нпр. розложено долгу на раты и т. п. але и то лем в тотчас, коли господарство дворске не переступит значеней в законі степени задолженя, ктра то степень єст зависима от величины мєетку.

Такий поділ господарств в зависимости от их величины єст особенно користный для наших людеи, бо межде нами єст недуже таких, котры маюť понад 50 гек. землі, а для тых малых господарств предвиджує новый закон великы льготы, при котрых аж и сильно задолжений може выкарабкати ся с біды,

Рок буде мати 13 місяцов.

Новый календар маюť впровадити 1-го оічня 1939 року.

От давна цілий світ стремит до того, щобы впровадити одинаксый для цілєго світа календар. Лига Народов покликала навет одільный комитет реформы календара, котрый начал свои работы ище в 1924 року. Комитет тот скликал велику конференцию, в котрой участвовали представители праві вшиткых держав світа.

На той конференции згодили ся вшиткы на того, же реформа календара єст потребна, высунули цілий ряд внесень и пропозыций и застерегли ся, же новый календар прийме ся во вшиткых державах лем втотчас, если достане апробату Ватикана.

Тепер Ватикан выповіл ся, же не противит ся реформі календара, бо она не нарушат жадных дат маючих значенє для Церкви. В виду того буде скликана ище раз конференция, котра має затвердити тот календар.

Новый календар буде ділити рок на 13 місяцов. Місяцы захевуют свои назвы, а межде червньом и липньом буде оден місяц котрый буде называти ся „соль“. Каждый місяц буде мати 28 дней (полны 4 тыжні). Новый календар буде обовязовати от 1. січня 1939 року, бо в том року припадат Новый рок на неділю. По новому календару даты 1, 8, 15 и 29. припадаюť все на неділю. Рождество стає 25. грудня и буде все в середу. Великдень буде святом недвижимым и буде припадати дня 8. цвітня. Новый календар предвижує также переступны літа и што 4. рокы лютий буде мати 29 дней. День тот однак достане свой назву, в виду чого порядок тыжнєя не буде нарушений.

Як заховати здоров'я?

Здорові матері, здорові діти.

Часто видит ся на селі молоді ще жінки з вигляді слабовитом, здеформованою фігурі, без сил і охоти до життя. Такі жінки, то переважно матері громад дітей, на котрих виховане не мають сил. Мати діти, то не велика штука, але стократ важнійше єст, шtbody тоти діти були здорові і шtbody матери знали, як мають заховати ся в часі вагітності і кормлення дитини. Єст то важне для здоров'я матерей і дітей.

Здоров'я матерей зависит в великій мірі от умілого поведіння в том часі. Крім того в певних періодах часу жінкина мусит уважати на то, шtbody не перестудити ся і не пересилати ся фізично. Матери повинні перестерігати о том свої дочкы, бо простуда або дивгане тягаров в часі загального ослаблення організму єст барз шкодливе і може оставити на ціле житє непожадані послідства.

Найважнійшим однак часом для жінки єст вагітність. Вагітність, то природне проявлене людської життя і тому в том часі належит вести себе як найприроднійше, моц руху, простий, неналмірний корм і так дальше. Але треба взяти т кже под увагу, же організм жінки єст нищений подвоєно бо не лем мусит отживити себе, але і формуюче ся в ей лоні дитя і же от гатунку сіданой в том часі поживы зависит в великій мірі будучий розвиток дитини. Тому то кажда жінкина повинна о том памятити же 1) в том часі не можна ей беззусловно уживати алькогольних напїткв 2) же мати, котра кормит дитину, если в том часі стане вагітна повинна сейчас перестати кормити дитину, бо діти кормлені через вагітні матери сут слабші і не розвивають ся нормально.

Отступы часу медже одним дитином і другим мусит выносити найменше 1 1/2 року, шtbody організм матери по откормленю дитини пришол до сил. Жінки, котры мають ва часто діти, ослабляють ся надмірно і не можуть откормити і отховати своїх дітей. В часі вагітності і кормлення матери повинні сідати много молока, ярин, овочей і хоц недуже мяса.

Перед родами належит мати фахову помоч (акушерку). В том часі мусит ся перестерігати чистоту. Найліпше, если жінкина приготує собі сама вшитко, шtbody в таких разях потребне, отже простыні, поволокы, подкляцы, котры можна зробити со старого полотна, выпрати, выварити і выгладити. Таксамо треба приготувати біле для дитини (4 кошелькы, 4 кафтанічкы бархетовы, 6 тонких целенок, 6 бархетовых і колдерка с бай). До 3 дней жінкині не можна ані сідати в постелі, а вставати в жадном случаю не вольно перед тыжньом. Передчасне зриване ся до работы поведує розличны женочи хвороты, а найчастійше опущене матицы. Початково такого недомоганя не отчуват ся сильно, але с часом можуть они перейти в поважну хвороту.

По родах повинна акушерка хвору опасати сильно ручником і таку опаску мае хвора носити ище хоц пару дней по встаню с постелі.

Дитину не привыкати колысати, ані носити на руках, а вставати до регулярного трыба

житя. Кормити і класти спати все о том самом часі. Дитини не брати спати до постелі коло себе, бо то нездорове і може часом стати ся причиною удушєня.

При перестеріганю выше наведєных заміток будут і матери і діти здоровы.

Здичене у нашой молодежи.

Дня 28. серпня, в праздник Успенія Преч. Дівы Марии, в том часі, коли в церквах отправляно Службу Божу, собрала ся молодеж Вороблика Королевского і начала битку с молодежом с Вороблика Шляхотского. Обі стороны были вооружєны в сокры, штангы, ножи, палі і штылеты і били ся завзято. Особенно воинственныма оказали ся Юліян Драган, его братя, Онисни і Йосиф Драганы, Роман Романчак і Володимир Витк. Перший из них убил штылетом в серце Диміяна Струса л. 26 из Вороблика Шляхотского. Битці потожила конец полиция, котра арестовала убийцов і отдала в руки прокуратури.

Выше описаний случає дає нам образ здичєня нашой молодежи по войні. Давнійше наши села мали заслужєну славу спокойных і добрых, а тепер шtbody раз частійше слышит ся о битках серед молодежи. Родичи, школа і начальство громад повинні звернути больше увагы на виховане молодого поколіня і заохотити его до вписованя ся до читальнь им. Качковского і наших рускых кооперативов, где найдут все пожиточну книжку і газету, а также часом забавят ся весело, культурно і без биток.

БРАТОУБИСТВО В ДАЛЬОВІ.

Дня 27. серпня розышла ся по селі Дальові страшна вість о братоубийстві. Два братя жили в незгоді, причиною котрой был спор о хату. Крытычного дня старший брат (33 рокы) убил молодшого (літ 18) ударом сокры. Убийцом заняла ся прокуратурия.

ПОМІЩАЙТЕ
ОГЛОШЕННЯ
В ГАЗЕТІ „ЛЕМКО“.

Несчастный случай.

Дня 2. верєснєя переходил отец с 11-літним хлопком через желізно-дорожний мост на ріці Дунайці коло Нового Санча. В послідство уливного доща, дошки на мості были скольскы і хлопец поскользнул ся так несчастно, шtbody упал с моста до воды. Несчастный отец скочил за дитином, шtbody ю ратовати, однак не нашол нигде тіла. До перва прикликана сторожа пожарна выдобыла по 115 годині тіло утопєного хлопца.

Посвяченє цментера в Крыниці.

Дня 28. серпня отбыло ся в Крыниці велике торжество посвяченя нового цментера. Штырох богатших господаров поставили крест. Правда, може належало бы дати крест трираменный, але, як то гварят, дарованому конюви не зазєрай до зубов.

Приіхали до нас священники с сусідства, за шtbody мы им благодарны, але одно нас дивує, по шtbody загостит до нас О. Качмар со Злоцкого, тот, котрый нас Крыничан, так негостинно прийал не цментері в Злоцком, як мы крест в память погыбшим в Талергоф героям ставляли. Застановите ся О. визытатор, як бы то было некультурно, як бы мы так на вас напали, як вы на нас в Злоцком. Правда, вы не боите ся нашого нападу, бо знате, шtbody Крыничаны культурный, рускый народ, а по друге мали сте двох тайных опекунов, котрых сте даремно фатыговали. Ци не ганьбите ся О. Качмар пхати ся до нашой Крыницы, где уж только раз мы мусили вас усувати (в 1918 с клєбани і в 1932 с читальні). Таж цыганка, як ей не даст груль со два рас, то веце не приходит, а вы все пхате ся і пхате. Радимє вам О. Качмар до нас не загощати, жебы нам терпеливости не бракло і жебы мы не привитали вас так, як вы нас в Злоцком научили.

Павько.

Поміщайте оголошеня в газеті „Лемко“.

Кто хце прислужитися нашой газеті нехай зберет оголошеня с міст і сел повітов Лєско, Сянок, Красно, Ясло, Горлицы і Новый Санч.

Найліпши условия асекураційны

дає

Асек. Товариство
ВИТА-КРАКОВСКЕ
во Львові.



Оно спомагат также наши товариства.

Информации уділят редакция „Лемко“.

Уконченє нового чит. дома.

На місце спаленого под конец зими читальняного дома в Завадці Рымановской, члены той читальни побудовали новый, каменный поверховый дом на 13 м. х 8 м. На долин єст кухня и помещене на склеп, а на першом поверху театральна сая. В той салі отбыла ся уж дня 29. забава для членов. Дом тот коштує нас до тепер 1600 зл. Правда, наробили ся дост члены читальни при той будові, але маюг за то тепер свою власну хату, свой власный кут, где могут сходити ся, прочитати книжку и газету, а нераз и весело забавити ся. При той будові переконали ся мы и о том, же при охоті можна прити дост легко до маєтку, а при злой господарці каждую річ треба сильно переплачати. Маєме того примір на будові нашой школы, котра мала коштувати 10,000 зл., а людэ зложили 11000 зл. и остало ише 400 дол: ров долга. Школа єст деревяна и уж гниє, а мы выбудовали мурованный дом за 1600 зл. Сміяли ся с нас наши ворогы по спаленю давного дома, але тепер послушали носы, як слоні, коли переходят коло читальни. Успокоил ся уж и наш подпанок по отправі, даной єму Мих. Балутянским и хлопцами с Тылявы и маме в селі спокей.

Михаил Барна,
секр. Чит.

Дашто о комасации.

С села Мысцовой пишут нам: У нас народна робота поступат наперед. Наша молодеж отограла килька театральных представлень, маме кооператив и читальню им. М. Качковского и все тоты инсттудии розвиваюг ся добре. Заслуга то нашого бывшого учителя, г-на Гайды, котрый хоц перенес ся от нас, але оставил нам тоты инсттудии и выховану в руском духу молодеж, котра веде тоты инсттудии.

Смеристало наше село и на комасации, котру закончено в 1932. р. и мы уж 2 рокы господариме на новых вызначеных нам грунтах. Кто хотіл, по своей волі вынес ся до поля и там побудовал и таких было коло 80. Другы остали на старом місці, але маюг грунт в двох, або и трох кавалках. Сут може и не вдоволены, але то лем единицы. Загал с большим окотом бере ся до работы на новых грунтах, вывозит купы камня, роскопує меджи, дренує мочары и старчит єму часу на вшитко, бо на одном кавалку же килька дней, а давнійше ходил с кавалка на кавалок и шкоды другому робил, місил поле а обробити ся не мог. Переконал ся я сам, што ліпше газдовати на скомасованом грунті и тому раджу вшитким, котры маюг подроблены грунты, штобы звернули ся до уряду земельного о уділеня помочи и скомасованє грунтов. Не бойте ся, уродит ся и капуста, бо у нас там, где перше был кепский свес родит ся тепер капуста, бандуры, жито, пшеница и огуржи. Кто не вірит, нехай приде до Мысцовой с ся переконат.

Добре у нас и про то, бо у нас ніт партий, у нас одна партия руска, мы русинали родили ся и такими хочеме быти, як наши діды, прадіды и вшиткы мы русины-Лемкы повинни ся разом тримати и недати бамулатити ся.

Таж мы брата рускы лемкы разом ся тримайме, а тым, кто нас баламутит в пыск муляцвом дайме.

Лемко с Мысцовой.



Кырвавый штрейк в Испани.

В Испани оголошено генеральный штрейк. Медже штрейкуючима и полициом пришло до кырвавой борбы, в часі котрой убито четверо людей. Число раненых єст ише неустановлено, але выносит оно кильканадцестеро людей. Полиция арестовала много людей, в том числі также одного социалистычного посла.

Пожар корабля на Атлантейском океані.

В корабель, плывучий на Атлантейском океані ударил гром и запалил бензыну в разбитом резервоарі. Пожар обнял скоро цілый корабель, в поломену котрого нашло смерть 123 люда. Выратовано 425 людей, котры оповідаюг, же на горіючом кораблю пережили так страшны часы, же не дадут ся они описати.

Гром ударил в аероплян.

В Америці в штаті Миссури ударил гром в пассажерский аероплян и разбил его. В аеропляні нахсдила ся пятер людей, котрых гром убил.

НАПАД БАНДЫТОВ

Недалеко Катовиц бандыты напали на жандарма и почталиона, поранили их тяжко и забрали 7000 злотых. Бандытов не поймано.

Бразылия купує польскы шиню.

Желізны фабрыкы нб шлеску получали замовленє на 5620 тон желізнодорожных шин сділгане через Бразылию.



Кто хоче штобы

в календарі „Лемка“ на 1935 р.

было поміщено дашто о єго селі, нехай скоро присылат материал а также фотографии. Редакция просит присылати также лемковскы пісні, описи звичаев, обрядов, оповіданя и жарты.

ПОЧТОВЫИ ЯЩИК.

Многы запытуюг ся, коли рішится справа утвореня нового епископства для Лемковщины и коли уж обыйме урядованє новый лемковскый епископ.

В той справі довідаво ся с міродательных кругов, што она єст уж дефинитивно рішена, сут лем неуладжены дакотры формальности, котры отложено на по вакациях. В виду того, што час уальопов уже прошол и в урядах начала ся час нормальна работа, належит сподівати ся, же в коротком часі будеме могли повитати нашого владыку.

Г-н М. Б. Завадка Рымановска: Материал буде помещеный в календарі. Просиме прислати фотографию вашого читальняного дома.


Г-н Сем. Пашк. Петреша Воля: Льотерийны билеты и газету ч: 1, 2, 3 и 14. посыламе. Верш буде в календарі.

Г-н Проф. Грабан-Гладышов — билет посыламе, просиме дополнити пренумерату, бо в льессованю берут лем тоты участь, котры уплатили цілу пренумерату.

Г-н Денис Ильчишин Вороблик «корол». Верши помістит ся в календарі.

Д-р Т. К. Равич: Материал для календара прекрасный, фотографию по зробленю клиши зверну. Бог запласть!

Всім, котры дописуюг до газеты „Лемко“ редакция припоминает, же буде помещати лем тоты дописи, под котрыма єст полна подпись (имя, назвиско и місцевость). На желанє редакция не буде помещати тых подписей в газеті, але мусит знати, кто пише, штобы в разі потреби можна было доказати, што написане в газеті єст правдом. Дописей незаосмотреных подписями редакция не буде помещати.



Русный учитель — емерит хоче осісти в лемковском селі. Просит подати, где мог бы выарендовати малый домик с невеличким садом и огородом яринным, положеным над ріком. Замешкат лем в таком селі, где на місці можна купити вшиткы сістны припасы. Займе ся роботом экономично-просвітительном в читальні и кооперативі. Оферты просит присылати под адресом „Лемко“ Крыница.